

ԼՈՒՐԵՐ ԵԿԵՂԵՑԻՆԵՐԻ ՀԱՄԱԾԽԱՐՀԱՅԻՆ ԽՈՐՀՐԴԻ ԿԵՆՏՐՈՆԻՑ

ԵԹՈՎՊԱԿԱՆ ՈՒՂԱՓԱՌ ԵԿԵՂԵՑՈՒ
ՊԱՏՐԻԱՐԷԻ ՊԱՇՏՈՆԱԿԱՆ ԱՅՑԸ
ԺՆԵՎ՝ ԵԿԵՂԵՑԻՆԵՐԻ
ՀԱՄԱԾԽԱՐՀԱՅԻՆ ԽՈՐՀՐԴԻ
ԿԵՆՏՐՈՆԻՑ

Սույն թվականի հունիսի 13-ից 15-ի օրերին պաշտոնական այցով Ժնևում է եղել Եթովպիայի 8 միլիոն քրիստոնյաների հոգևոր պետ Նորին Սրբություն Թեոֆիլոս պատրիարքը: Արևելյան հնագույն ուղղափառ եկեղեցիներից մեկի Գահակալը, որ էկումենիկ շրջանակներից ճանաչված և հարգված մի անձնավորություն է, ԵՀԽ-ի կենտրոնին տված իր առաջին պաշտոնական այցելության առիթով իր գոհունակությունն ու բարձր գնահատանքն է արտահայտել այն «նշանակալի հաջողություններին» համար, որ Եկեղեցիների Համաշխարհային խորհուրդը արձանագրել է վերջին տարիների իր գործունեության ընթացքում, հատկապես առաքելության և ավետարանչության, ինչպես նաև ապաստանյալների օգնության և վերաբնակեցման ասպարեզում:

Դիմելով ԵՀԽ-ի անձնակազմի անդամներին՝ Եթովպական եկեղեցու պատրիարքը հայտարարել է. «Ես չափազանց բարձր եմ գնահատում այն կարևոր օգնությունը, որ Եկեղեցիների համաշխարհային խորհուրդը, քրիստոնեական մարդասիրությունից առաջնորդված, տարիների ընթացքում ցույց է տվել սովից, ջրհեղեղներից, երկրաշարժներից և տարերային այլ աղետներից տուժվածներին: Նա, բացի այդ, բողոքի իր ձայնն է բարձրացրել միշտ պատերազմների, անարդարության, ճնշման և անմարդկայնության, ապարտեհի և ցեղային խտրականության դեմ»:

Թեոֆիլոս պատրիարքը իր ելույթում մասնավորապես նշել է, որ հազարավոր երիտասարդներ հնարավորություն են ունե-

ցել մասնագիտական կրթություն ստանալու համալսարաններում և ինստիտուտներում շնորհիվ ԵՀԽ-ի կողմից տրամադրված ուսանողական թոշակների: Նա ԵՀԽ-ի շնորհակալություն է հայտնել եթովպական եկեղեցուն ցույց տրված օգնության համար՝ հետագա հաջողություններ ցանկանալով նրան իր որդեգրած «ինքնօգնության և զարգացման ծրագրի» կենսագործման ճանապարհին (ԵՀԽ-ի համապատասխան հանձնաժողովը, որը կրում է «Եկեղեցիների մասնակցությունը զարգացման գործին» անունը, այս տարի 263.000 դոլարի մի գումար տրամադրեց եթովպական եկեղեցուն՝ օգնելու համար նրա զարգացմանն ու բարգավաճմանը):

Իր խոսքի մեջ ԵՀԽ-ի Գլխավոր քարտուղար դոկտ. Ֆիլիպ Փոթըրը ողջունել է Թեոֆիլոս պատրիարքին, որպես ԵՀԽ-ի հիմնադիր անդամներից մեկին, որը, ի գուխ իր եկեղեցու պատվիրակության, 1948 թվականին մասնակցել է ԵՀԽ-ի առաջին համաժողովին, և այնուհետև՝ հետագա բոլոր համաժողովներին:

Առանձին տեսակցությունների ընթացքում դոկտ. Փոթըրը և պատրիարքը խոսել են եթովպական ուղղափառ եկեղեցու և Եկեղեցիների համաշխարհային խորհրդի հարաբերությունների ընդլայնման մասին: Նրանք կարծիքներ են փոխանակել նաև Եթովպիայում գտնվող քրիստոնեական տարբեր եկեղեցիների փոխհարաբերությունների հնարավոր բարելավման շուրջ՝ հաշվի առնելով այն հանգամանքը, որ երկրում ապրող քրիստոնյաների սովոր մեծամասնությունը Եթովպական ուղղափառ եկեղեցու զավակներն են:

Թեոֆիլոս պատրիարքը և նրա շքախմբի անդամները ծանոթացել են ԵՀԽ-ի գործունեության զանազան ծրագրերին, մասնավորապես «Բժշկական քրիստոնեական հանձնաժողովի» կողմից մշակված այն

ծրագրին, որով նախատեսվում է բժշկության և առողջապահության գծով բազմակողմանի օգնություն ցույց տալ թույլ զարգացած երկրների ժողովուրդներին, այդ թվում և եթովպական ժողովրդին:

ԵՀԽ-ի «Արդարություն և ծառայություն» միավորման ղեկավար շրջանակների հետ տեղի ունեցած տեսակցության ընթացքում առանձնահատուկ ուշադրություն է նվիրվել այն միջոցառումներին, որոնցով նախատեսվում է ամրապնդել եկեղեցիների ինքնավարությունը՝ հնարավորին չափ դուրս բերելով նրանց արտաքին օգնությունից, կախյալ վիճակից:

Ժնևում գտնվելու օրերին եթովպական եկեղեցու հոգևոր պետը ընդունվել է Ժնևի քաղաքապետարանի նահանգային իշխանությունների կողմից, հանդիպումներ է ունեցել Համաշխարհային լուծարական ֆեդերացիայի, ինչպես նաև Եվեյցարիայի բողոքական եկեղեցիների ֆեդերացիայի պատասխանատու անձանց հետ:

ԵՀԽ-ի ՄԻՋԱԶԳԱՅԻՆ ԳՈՐԾԵՐԻ
ՀԱՆՁՆԱԺՈՂՈՎԻ ԳՈՐԾԱՌԻՐ
ԿՈՄԻՏԵԻ 28-ՐԴ ՆՍՍԱԾՐՋԱՆԸ

Եվրոպայի անվտանգության, համագործակցության և զինաթափման հարցերին էր նվիրված ԵՀԽ-ի Միջազգային գործերի հանձնաժողովի գործադիր կոմիտեի տարեկան 28-րդ ժողովը, որը տեղի ունեցավ 1973 թ. հունիսի 14—20-ը Վիսեգրադում (Հունգարիա):

Դա վերոհիշյալ հանձնաժողովի՝ Արևելյան Եվրոպայում գումարված առաջին ժողովն էր, որին նախագահում էր շվեդական խորհրդարանի անդամ դոկտ. Օլլե Դահլեյնը:

Եվրոպայում լարվածության մեղմացման ուղղությամբ ձեռք բերված առաջընթացները վերաբերող մի փաստաթղթում գործադիր կոմիտեն ընդգծել է կարևորությունն այն «հարցերի և փոփոխությունների», որոնց առաջ են կանգնելու այն բոլոր երկրները, որոնք մասնակցելու են առաջիկա ամսին Հելսինկիում կայանալիք Եվրոպայի անվտանգության կոնֆերանսին: Ըստ գործադիր կոմիտեի, չնայած, որ բոլոր դժվարությունները միանգամից հնարավոր չէ վերացնել, այնուամենայնիվ համագործակցությունը կարող է առաջ բերել լարվածության զգալի թուլացում, որն անտարակույս կնշխատի եվրոպական երկրների զարգացմանը ինչպես Արևելքում, այնպես էլ Արևմուտքում:

Կոմիտեն պահանջել է բոլոր քրիստոնյաներից, որպեսզի արգելեն, որ «Միացյալ և ուժեղ մի Եվրոպա իր հզորությունը ներդնի հօգուտ տնտեսական գերիշխանության և շահագործման»:

Ինչ վերաբերում է զինաթափման նպատակին ուղղված կոնկրետ միջոցառումներին, կոմիտեն նշել է, որ բոլոր եկեղեցիներն անխտիր պետք է ձգտեն առաջին հերթին ներգործել հասարակական կարծիքի վրա ի նպաստ զինաթափման, վճարակներն հանդես գան, որպեսզի լայն բանակցություններ սկսվեն զենքերի արտադրության վերահսկողության համար, ջերմամիջուկային ռեսուրսներն օգտագործվեն խաղաղ նպատակներով, անհապաղ վավերացվի ռազմական մրցավազք դադարեցնելու վերաբերյալ համաձայնագիրը, հարգվի 1972 թվականի համաձայնագիրը բիոլոգիական զենքերի մասին, վերահսկվի զենքերի առևտուրը, և հաստատվեն մոլոր պայմանագրեր ռազմական արդի կոնֆլիկտներից տուժվածների պաշտպանության համար:

Բացի այդ, կոմիտեն խստիվ դատապարտել է իսրայելացիների կողմից Լիբանանի վրա կատարվող հարձակումները, հրավիրել է ԵՀԽ-ի անդամ բոլոր եկեղեցիներին ճնշում գործադրելու մեծ տերությունների վրա ապառազմականացնելու համար Հընդկական օվկիանոսը և Հարավային Վիետնամի Հանրապետության կառավարությունից պահանջել, որ ազատ արձակի բոլոր քաղաքական բանտարկյալներին՝ խաղաղության համաձայնագրերին համապատասխան:

ՀԱՐԱՎ-ԱՖՐԻԿԱՆ ԵԿԵՂԵՑԻՆԵՐԻ
ՆԵՐԿԱՅՑԱՑՈՒՑԻՆԵՐԻ
ՄԱՍՆԱԿՑՈՒԹՅՈՒՆԸ ԵՀԽ-Ի
ԿԵՆՏՐՈՆԱԿԱՆ ԿՈՄԻՏԵԻ
ԱՌԱՋԻԿԱ ԺՈՂՈՎԻՆ

Պատասխանելով ԵՀԽ-ի հրավերին՝ Հարավային Աֆրիկայի 9 եկեղեցիներ ընդունել են ներկայացուցիչներ ուղարկել ԵՀԽ-ի կենտրոնական կոմիտեի առաջիկա նստաշրջանին, որը տեղի է ունենալու Ժնևում սույն թվականի օգոստոսի 22—29:

Վերոհիշյալ եկեղեցիների մասնակցությունը կենտրոնական կոմիտեի ժողովին, ինչպես նշել է ԵՀԽ-ի գլխավոր քարտուղար դոկտ. Ֆիլիպ Փոթըրը, հնարավորություն է տալու նրանց ազատորեն հանդես գալու սոցիալական արդարության մասին տեղի ունենալիք բանավեճերի ընթացքում:

և, բացի այդ, մոտիկից տեղյակ դառնալու ԵՀԽ-ի կյանքի և գործունեության տարբեր երեսներին (համաձայն ԵՀԽ-ի սահմանադրության, ամեն անգամ եկեղեցի, որ չէ ներկայացված կենտրոնական կոմիտեում, կարող է ուղարկել իր ներկայացուցիչը՝ մասնակցելու կոմիտեի նիստին, խոսք առնելու, առանց սակայն քվեարկելու իրավունք ունենալու):

Կենտրոնական կոմիտեի ստացիկա նրստաշրջանում, ուր միաժամանակ հանդիսավորապես նշվելու է ԵՀԽ-ի հիմնադրության 25-րդ տարեդարձը, պատվիրակների քըննարկմանն են ներկայացվելու սոցիալական անարդարությունները բոնի և ոչ-բոնի միջոցների գործադրմամբ վերացնելու վերաբերյալ տեսական մի ուսումնասիրության եզրակացությունները:

